

Laahâ

puásuituálu já luánduiäláttásái ráhtustorjuin adelum laavâ nubástutmist

Ovdâskode miärdâs miäldásávt
komettuvvoo puásuituálu já luánduiäláttásái ráhtustorjuin adelum laavâ (986/2011) 10 § 4
 moomeent, tagarin ko tot lii laavâst 1676/2015, sehe
lasettuvvoo laahân uđđâ 10 a § čuávuvávt:

10 a §

Puásuituálulaavâ kenigâsvuodái nuávditem

Palgâsân puáhtá miedettiđ torjuu tuše, jis palgâs elettempoccui meeri ij lah ollâgub ko puásuituálulaavâ vuáđuld asáttum stuárráamus suovvum meeri.

Jis paalgâs lii meridâm puásuituálulaavâ 21 § 3 moomeent tâi 40 b § 3 moomeent vuáđuld, et palgâskuáhtásâš stuárráamus suovvum elettempuásuimeeri lii vyeleeb ko 1 momentist uáivildum elettempuásuimeeri, te torjuu puáhtá miedettiđ tuše, jis palgâs miärdâs miäldásâš elettempoccui enâmusmere ráäji ij rastaldittuu.

Laapi eellimvyeimikuávdâš puáhtá kuittâg meridiđ, et toorjâ miedettuvvoo, jis palgâs elettempuásuimeeri lii enâmustáá kulmâ prooseent stuárráb ko palgâskuáhtásâš stuárráamus suovvum puásuimeeri já mere ráäji rastalditmân láá eromâš suujah.

Torjuu miedettem palgâsân váátá, et paalgâs lii nuávdittâm puásuituálulaavâst asáttum poccui kuátumij tipšom- já kevttimvuávám ráhtimân já nubástutmân kyeskee kenigâsvuodáid. Torjuu miedettem palgâsân estâšuvá, jis toimâvâldálii virgeomáháá tiädust lii, et paalgâs lii torjuu uuccâmive tâi ton oovdeb ive váduhávt kuáridâm eres puásuituálulaavâst asáttum kenigâsvuodáidis.

Mii 1–4 momentist asáttuvvoo, ij eesti investistemtorjuu miedettem palgâsij oovtâst omâstem njuovâttuv várás.

Taat laahâ puátá vuáimán 1 peeivi kesimáánust 2026.

Ovdil taan laavâ vuáimán šoddâm joton pieijum ucâmušân heiviittuvvojeh toh njuolgâdusah, moh láá vyeimist talle ko taat laahâ šadda vuáimán.

446/2026

Helsingist 29.5.2026

Täsivääldi president

Alexander Stubb

Eennâm- já meccituáminister Sari Essayah